



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

თარხან-მოურავი იოსებ დავითის ძე

თარხან-მოურავი იოსებ დავითის ძე (5. V. 1819, სოფ. ახალქალაქი, ახლანდ. კასპის მუნიციპალიტეტი, - 26. III. 1878, თბილისი), რუსეთის იმპერიის არმიის გენერალ-ლეიტენანტი (1863), 1837 დაამთავრა სათავადაზნაურო პოლკის კურსები და სამხ. სამსახური დაიწყო კავკასიაში, ყირიმის ომის (1853-56) დროს, კავკასიის ფრონტზე ქურუქ-დარის ბრძოლაში მეთაურობდა ერევნის კარაბინერთა მე-3 ათასეულს. 1855-იდან იყო ქართ. გრენადერთა პოლკის მეთაური. 1859 მიიღო გენ.-მ-ის წოდება, დაინიშნა სამხრ. დაღესტნის ჯარების სარდლად და ყაზიყუმუხის ოკრუგის მმართველად. იმავე წელს აქტიურად მონაწილეობდა აულ ღუნების აღებასა და შამილის დატყვევებაში. 1863-იდან იყო 39-ე ქვეითი დივიზიის მეთაური, 1869-იდან - კავკასიის გრენადერთა დივიზიის მეთაური. 1871 მიიღო გენ.-ადიუტანტის წოდება.

დაჯილდოებულია წმ. გიორგის, წმ. ვლადიმირის, წმ. სტანისლავის სხვადასხვა ხარისხისა და თეთრი არწივის ორდენებით.

მ. გოგიტიძე
